



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Chronologia Monasteriorum Germaniæ Præcipuorum Ac Maxime Illustrium**

**Brusch, Kaspar**

**Nürnberg, 1682**

Alba Augia Narischorum aut potius Norici, nostrate lingua Weissenaw im  
Nordgew/ ...

**urn:nbn:de:hbz:466:1-38166**

tum, cumq; peregrinator quidam fatidicus respondisset Deo placere, ut ex monte in adjacentem vallem transferretur: annuit & consensit Sigismundus Austriae Dux munificus ejusdem instaurator ac benefactor. Translatum igitur est anno Domini 1264. & primus lapis inferioris Cœnobioli positus à Suffraganeo Constantiensi, Domino Ulrico Comite de Monte Forti, & à Domina Barbara Comitissa Amasiana, Jacobi Trappii Brigantini Præfecti conjuge. Præest ei nunc Apollonia Episcopa Kendelbaccensis ab anno Christi 1532.

**A**LBA AUGIA Nariscorum aut potius Norici, nostrate lingua *Weissenaw im Nordgew* / Cœnobium ordinis D. Benedicti ad Schwabachium amnem, quatuor lapidibus à Noriberga, in Diœcesi Bambergensi situm; fundatum legitur à Gebhardo Comite, ut aliquibus placet, de Hirsberg, aliis vero de Calovia vel Kalaw: hodie Kalb vocant, qui Aystetenfis Ecclesiæ Episcopus, tandem post consanguineum suum Leonem nonum, Comitem à Dagsperg Alfatam, Romanus etiam Pontifex factus, Victor secundus cognominatus est. Cœpit autem Monasterium anno Domini 1053. sub Imperatore Henrico Nigro, quem Comitem quoq; Calowienssem sive Kalwensem è Suevia (ubi ad Nagoldum fluvium hodie adhuc in Wirtembergensi Ducatu, ejusdem nominis oppidum cum veteri arce, horum Comitum sede, extat) natum fuisse Annales referunt. Postea annum Christi circiter 1130. quasi postliminio renovatum & ampliatum est à S. Othone, octavo Bambergensis Ecclesiæ Episcopo, Pomeranorum Apostolo, cujus corpus Bambergæ in montis Monachorum Cœnobio à se liberaliter etiam donato, terræ mandatum est. Postremi hujus Cœnobi Abbates (de veteribus enim expiscari nihil potui) fuere, qui sequuntur breviter hoc loco annotati.

1. *Henricus* præfuit annis sexaginta. Obiit anno Domini 1503.

2. *Eucharicus Gotzman* de Buch præfuit octo annis. Obiit anno Domini 1511.

B 3 3. *Henri-*

Basilij

Chronologia  
Monasterio

rum German

S. III

3. *Henricus Cellarius* de Bibrach præfuit annis 15. Obiit anno Domini 1526.

4. *Achazius ab Hirsheyd*, nobilis genere, successit Henrico, & præest adhuc currente hoc Jubilæo. De reliquis Abbatibus nihil invenio prorsus, de quibus ne isti quidem quicquam norunt, qui Monasterium semilacerum nunc tenent.

Abest ab hoc Cœnobio duobus brevibus miliaribus Canonicorum Regularium, Ordinis S. Augustini elegans Monasterium Neunkirchium dictum, quod annum Christi circiter 1302. à Leopoldo sacerdote & Episcopo, Comite de Grundlach, vicissimo Antistite Bambergensis Ecclesiæ fundatum ac dotatum est, qui obiit anno Domini 1305. die 22. Augusti, sepeliturq; in hujus sui Cœnobii loco Capitulari. Maximi hujus Monasterii benefactores fuerunt Joannes Burggravius Noricorum, & Fridericus Marchio Brandenburgensis: qui dederunt ejus loci Cœnobia potestatem & copiam Sylvæ Noribergensis. Abest verò Cœnobium à Noriberga tribus lapidibus. Habuit semper gubernatores Præpositos, quorum talis extat catalogus.

Præpositi  
Monasterii  
Neunkirchen-  
sis.

1. *Fridericus* obiit anno Domini 1334.
2. *Hermannus Strobilius* præfuit annis 26. Obiit an. 1360.
3. *Henricus* præfuit annis 13. Obiit anno 1373.
4. *Engelhardus* præfuit annis triginta. Obiit anno 1403.
5. *Wolframus Buckius* obiit anno 1418. cum præfuisset annis quindecim.
6. *Hermannus* sedit annis octo. Obiit anno 1426.
7. *Udalricus* novem annis ad clavum sedit. Obiit an. 1435.
8. *Erhardus* præfuit viginti annis. Obiit anno 1455.
9. *Jacobus* 10. annis præfuit. Obiit anno 1465.
10. *Joannes Mayer* præfuit 16. annis. Obiit anno 1481.
11. *Joannes Seckel* per triennium sedit. Obiit anno 1484.
12. *Conradus Teugell*.
13. *Martinus* obiit anno 1515.
14. *Henricus Wurffpein* præfuit annis undecim. Obiit anno 1526.
15. *Wolfgangus Starck* ex Bambergæ natus, annis novem sedit. Obiit anno 1535.
16. *Fri-*

16. *Fridericus Winkelman* ex Neunkirchio natus, obiit anno 1546. cum præfuisset 11. annis, egregia corporis statura præditus, mire robustus, latine mediocriter doctus, egregius Monasterii illustrator & reedificator.

17. *Augustinus Crispus* ex Forchenheimio natus, eligitur anno 1546. Præest adhuc currente hoc Jubilæo.

**A**LBA AUGIA Suevite, hoc est, Album præatum, sive ut alii vocant, minor Augia, vulgo die *Minderow*: sedes olim piorum aliquot Eremitarum, nunc vero instituti Præmonstratenfis magnificum Monasterium propè Ravenspurgum oppidum Imperiale ad Schuffium fluviolum duobus miliaribus inde in Acronium Lacum incidentem, situm: Fundatum est anno Christi 990. aut ut alii volunt (quod de collapsi aliquando Monasterii reparatione potius intelligendum arbitror) an. 1145. à Gebizone de Wysemburg, opulentissimo milite & Equite Aurato, ejusq; sorore Loicarde, Henrici militis ex Afenhusen conjuge. Sic enim habent ejus Cœnobii annales. *Gebwilerus* hunc Gebizonem Habsburgensem Comitem fuisse affirmat, & tres ei filios assignat: Rapatonem conditorem Arcis Ergovianæ Habsburg dictæ, quæ ad veterem Vindonissam, seu propè Bruggum Bernatium oppidum, non procul à confluxu Limagi, Araris, ac Rusæ in sublimi monte sita est. Rudolphum item ac Berengarium Argentinensem Episcopum, quem Argentinenses annales Wernharium secundum appellant, & cujus subsidiis ac sumtibus Habsburgum Ergoviæ Arx extructa & condita est. Erat initio utriusq; sexus Cœnobium, ut cætera ferè Præmonstratensia omnia: sed successu temporis propter vitanda scandala Monialium locus Messenthal dictus ejectis fœminabus, abrogatus & vel everfus vel in alios usus collocatus est. Legitur autem idem Monasterium postea, anno Christi 1282, à Rodolpho Habsburgio Romanorum Imperatore, ejusq; conjuge, Domina Anna Comitissa Hohenburgensi (quæ Basileæ in summo templo quiescit) ita esse auctum ac locupletatum, ut Rudolphus iste secundus fundator, Domina Anna secunda fundatrix Minoris Augiæ

*Gebizo Eques Auratus monasterii fundator.*

*Habsburgum.*

*Rudolphus Imperator.*

*Bruckhij*

*Chronologia  
Monasterio  
na German  
S. III  
x*